

3551
008

百大
名家

合註傷寒論



北京中医药大学图书馆藏

干頃堂書局商標



南京中医药大学图书馆版权所有

百家註傷寒論序

吳君考磐輯百家註傷寒論成以示千頃堂主人主人將付梓
青以示伯未並索言序之伯未曰讀古醫書難矣非眼高於巖
心細如髮不可更無霹靂手斗大胆不可人之讀古醫書者隨
眾附和曾不知孰是孰非孰明孰昧即此以求黃帝岐伯越人
仲景之義昭昭於世大難乎大難乎請即傷寒論論之若表有
熱裏有寒之用白虎湯服桂枝湯仍頭項強痛翕翕發熱無汗
心下滿微痛小便不利之用桂枝湯去桂加苓朮湯俱遵守無
異議安知寒字為熱之訛而去桂當為去芍之訛乎此其一或
以傷寒傳足不傳手專從足經發揮而手經漠視若無覩安知
大承氣湯非手陽明方而黃連阿膠湯非手少陰方乎此其二
或以原文經王叔和編次零亂非復舊觀不加攷慮安知若脈

上海十項堂書局
上海中醫藥大學圖書館版權所有

浮數者法當汗出而愈若下之身重心悸者不可發汗條以下
傷寒二三日心中悸而煩者小建中湯主之傷寒脈結代心動
悸炙甘草湯主之等凡十數條皆就心中悸比類出之其中自
成條理別具系統乎凡此詳拙著讀傷寒論雜記及傷寒論原
文次序釋中茲不備引要知讀書在求明理固當具信仰心亦
不可無判斷力又豈特古醫書然哉吳君此書兼收並蓄不主
一家言譬之敘爭訟之人於一室置讀者於裁判地位細聆雙
方執詞定其曲直曲者闕之直者彰之破千古之歧說而歸於
一倘亦整理中醫書籍之嚆矢也然非眼高心細具霹靂手斗
大胆者將何以語此此余所以喟然不能已於言者主人聞之
善即書以歸之時夏雨初過微風動天末披襟倚檻靈臺豁然
上海秦伯未

張仲景先師傷寒論原序

余每覽越人入虢之診，望齊侯之色，未嘗不慨然歎其才秀也。怪當今居世之士，曾不留神醫藥，精究方術，上以療君親之疾，下以救貧賤之厄，中以保身長全，以養其生。但競逐榮勢，企踵權豪，孜孜汲汲，惟名利是務。崇飾其末，忽棄其本，華其外而悴其內，皮之不存，毛將安附焉。卒然遭邪風之氣，嬰非常之疾，患及禍至，而方震慄降志，屈節欽望，巫祝告窮，歸天束手，受貶賤，費百年之壽命，持至貴之重器，委付凡醫，恣其所措，吐嗟嗚呼。厥身已斃，神明消滅，變為異物，幽潛重泉，徒為啼泣，痛夫舉世昏迷，莫能覺悟，不惜其命。若是輕生，彼何榮勢之云哉。而進不能愛人，退不能愛身，知己遇災值禍，身居厄地，蒙蒙昧昧，蠢若遊魂，哀乎趨世之士，馳競浮華，不固根本，忘軀狗物，危若水谷，至於此也。余宗族素多，向餘二百，建安紀年以來，猶未十稔，其死亡者三分有二，傷寒十居其七。感往昔之淪喪，傷橫天之莫救，乃勤求古訓，博採眾方，撰用素問九卷，八十一難，陰陽大論，胎臚藥錄，并平脈辨證，為傷寒卒病論，合十六卷。雖未能盡愈諸病，庶可以見病知源，若能尋余所集，思過半矣。夫天布五行，以運萬類，人稟五常，以有五藏。經絡府俞，陰陽會通，玄冥幽微，變化難極，自非才高識妙，豈能探其理致哉。上古有神農黃帝，岐伯，伯高，雷公，少俞，少師，仲文，中世有長桑扁鵲，漢有公乘陽慶及倉公，下此以往，未之聞也。觀今之醫，不念思求經旨，以演其所知，各承家法，終始順舊，省疾問病，務在口給，相對斯須，便處湯藥，按寸不及尺，握手不及足，人迎跌陽，三部不參，動數發息，不滿五十，短期未知決診。

九侯曾無髮鬚。明堂闕庭。盡不見容。所謂窺管而已。夫欲視死別生。實為難矣。孔子曰。生而知之者。上學者。亞之多聞博識。知之次也。余宿尚方術。請事斯語。

漢長沙太守南陽張機仲景序



百家合註傷寒論序

傷寒論一書。經王叔和編次後。闡揚祖述。代不乏人。但其文辭古奧。義意精微。苟非深得此中三昧。斷難窺其美富。故雖註家雲集。莫不言人人殊。求其發揮經義。羽翼聖心者。實不多見。即方中行、張隱菴、柯韻伯等。可稱註家名宿也。探蹟索隱。潛符理要。固屬有之。而以辭語義。依條葫蘆。亦復不少。有清以還。歐化東漸。外來醫說。洋溢中國。華夏醫經。轉束高閣。黃農絕學。遂下喬木。而入幽谷矣。余恐夫古聖經學。無形淹滅。國粹淪沒。靡有孑遺。春花莫問。佳山弗登。取仲師傷寒論。而細繹之。重編三百九十七法。考訂一百一十三方。刪脈法序。倒痊濕暘於前。削霍亂勞復。可汗等於後。始太陽而終厥陰。定為仲師原文。以註家之議論精安者。附錄原文之後。名曰百家合註傷寒論。使聖教從此不滅。大道因之再興。挽既倒之狂瀾。作中流之砥柱。嗜古君子。諒不無小補云。時

中華民國十三年八月古瀛吳考槃序於中國醫藥專門學校

百大名家合註傷寒論凡例

一傷寒論一書係東漢張仲景原著但其文義古奧讀者每有望洋之歎是編先錄原文廣採百註俾學者便於記誦又利參考

一林億校本首尾附有脈法序例可汗等篇玩其文義與六經篇不同其為叔和所增可知茲特刪去

一霍亂陰陽易差後勞復二篇似應歸入金匱雜証不宜於本論六經外另生枝節今特改次金匱瘧濕暍症下

一瘧濕暍一篇及太陽婦人中風三法乃金匱正文重出本論者今革除之一本論三百九十七法一百一十三方議論紛紜言人人殊不知條法固可私意分合方目焉能妄行增減今以六經一百一十三方訂定六經三百九十七法則霍亂陰陽易篇為金匱錯簡已毫無疑義矣

一原文証象陽旦一節似類後賢註釋上文故設問答以明經義者及病有太陽陽明一節似屬後人附會之辭例應一併刪之



一本論訛字亦不為多註家每遇不能解處即指為王叔和所變亂割章分句任意刪改以曲逞其說不知文法自成一家訛字亦無幾許皆由自用心重竟不自知其非者

一成無已信而好古註釋本論毫不假借舒馳遠私意自用攻訐原文義多獨裁考樂細審二家執辭成氏固有未善之處舒註不無可議之地學有當以隱庵韻伯等註合參則經義自然融貫

一是書搜採前賢註釋輯成百註自愧才疎學淺刪訂尚有未善惟望海內高明匡余不逮為幸



張仲景傷寒論百大名家合註姓名錄

以註解始見先後為叙

王叔和 編次原文 第一人

醫宗金鑑

成無己

方中行

張隱庵

張路玉

程郊倩

吳人駒

柯韻伯

徐靈胎

陳脩園

唐容川

汪琥

薛步雲

章虛谷 俱見第二法

喻嘉言

尤在涇 俱見第三法

沈明宗 見第四法

郭白雲

周禹載

沈堯封

葉天士 俱見第六法

鄧雲航 見第八法

魏荔彤

閔芝慶 俱見第十法

朱奉議

鄭重光 俱見第十法

孫思邈

錢天來

程知

陶宏景

汪詡菴

陳蔚 俱見桂枝湯方

楊玉衡 見十六法

張令韶 見十八法

戴元禮 見二十二法

陳元犀 見桂枝湯附子湯加

王肯堂 見二十六法

馮元臺 見二十七法

王外臺 見三十一法

王好古 見芍藥甘草湯

張元素

費晉卿 見葛根湯

李時珍

吳綬

汪石山 俱見麻黃湯

許叔微

吳鞠通 俱見大青龍湯



北京中醫藥大學圖書館藏

舒馳遠見五法

張錫駒見五法

程林俱見苓桂甘棗湯

張飛疇見九法

周宗超見百十法

陳冀子見抵當湯

李士材見附子瀉心湯

陳賓有俱見一法

常器之見二百法

婁全喜見二法

袁百川見二法

嚴大智

胡伯雄見馬湯

黃坤載見五法

胡章及見七法

周鏡園見七法

王三陽見百法

陳平伯見百十法

朱丹溪

俞麟州

沈丹彩見桂枝人參湯

黃恭照見一百法

趙羽皇見豬苓湯

汪小山見二法

沈才能見真武加減法

何鶴林見三法

林瀾見五法

張子培見六法

張兼善見七法

王晉三見小柴胡湯

張蓋仙見百十法

陳師亮俱見一法

羅東逸俱見旋覆代赭石湯

陳道著見一法

沈子卿見二百法

趙以德見二法

周易圖見黃連阿膠湯

陶志仁見通麻四逆加減湯法

張心在見乾薑參湯

李東垣見五法

汪蓮石

高士宗見九法

李繼文見百法

徐忠可見桂枝湯

杜兆見十棗湯

蕭克協

陳江岷見二百法

張憲公見小承氣湯

唐不岩見二法

羅天益見少陰吳茱萸湯

陸士達見四逆散

吳考槃見重定原文



百大名家合註傷寒論目錄

卷一

辨太陽病脈證併治法一

卷二

辨太陽病脈證併治法二

卷三

辨太陽病脈證併治法三

卷四

辨太陽病脈證併治法四

卷五上

辨太陽病脈證併治法五

卷五中

辨太陽病脈證併治法六

卷五下

辨太陽病脈證併治法七

卷六

辨太陽病脈證併治法八

卷七

辨太陽病脈證併治法九

卷八上

辨太陽病脈證併治法十

卷八下

辨太陽病脈證併治法十一

卷九

辨太陽病脈證併治法十二

卷十

辨陽明病脈證併治法上

卷十一

辨陽明病脈證併治法中

卷十二

卷十三



南京中医药大学图书馆版权所有

辨陽明病脈證併治法下

卷十四

辨太陰病脈證併治法全

卷十五下

辨少陰病脈證併治法下

卷十六下

辨厥陰病脈證併治法下

辨少陽病脈證併治法全

卷十五上

辨少陰病脈證併治法上

卷十六上

辨厥陰病脈證併治法上



漢張仲景先師傷寒論原文卷一

後學吳考槃編次

一太陽之為病脈浮頭項強痛而惡寒

二太陽病發熱汗出惡風脈緩者名為中風

三太陽病或已發熱或未發熱必惡寒體痛嘔逆脈陰陽俱緊者名曰傷寒

四傷寒一日太陽受之脈若靜者為不傳頗欲吐若燥煩脈數急者為傳也

五傷寒二三日陽明少陽證不見者為不傳也

六太陽病發熱而渴不惡寒者為溫病

七若發汗已身灼熱者名曰風溫

八風溫為病脈陰陽俱浮自汗出身重多眠睡息必鼾語言難出若被下者小便不利直視失

溲若被火者微發黃色劇則如驚癇時瘵癢若大熏之一逆尚引日再逆促命期

九病有發熱惡寒者發於陽也無熱惡寒者發於陰也發於陽者七日愈發於陰者六日愈以

陽數七陰數六故也

十太陽病頭痛至七日以上自愈者以行其經盡故也若欲作再經者鍼足陽明使經不傳則

愈

十一太陽病欲解時自巳至未上

十二風家表解而不了了者十二日愈



北京中醫藥大學圖書館版權所有

名家言仙傳記 卷一
十三病人身大熱反欲得近衣者熱在皮膚寒在骨髓也

十四身大寒反不欲近衣者寒在皮膚熱在骨髓也

十五太陽中風陽浮而陰弱陽浮者熱自發陰弱者汗自出當啻惡寒淅淅惡風翕翕發熱也

乾嘔者桂枝湯一主之

十六太陽病頭痛發熱汗出惡風者桂枝湯主之

十七太陽病項背強几几反汗出惡風者桂枝加葛根湯二主之

十八太陽病下之後其氣上衝者可與桂枝湯若不上衝者不可與之

十九太陽病三日已發汗若吐若下若溫鍼仍不解者此為壞病桂枝不中與也觀其脈證知犯

何逆隨證治之

二十桂枝本為解肌若其人脈浮緊發熱汗不出者不可與之當須識此勿令誤也

二一若酒客病不可與桂枝湯得湯則嘔以酒客不喜甘故也

二二喘家作桂枝湯加厚樸杏子佳

二三凡服桂枝湯吐者其後必吐膿血也



張仲景傷寒論合註卷一

海門吳隱亭考槃編輯

辨太陽病脈證併治法一

太陽之為病脈浮頭項強痛而惡寒惡去聲後做此

醫宗金鑑曰太陽膀胱經也太陽之風病謂太陽膀胱經之所為病也太陽主表統營衛

風邪中衛寒邪傷營均表病也脈浮表病脈也頭項強痛惡寒表病證也太陽經脈上額交

巔入絡腦還出別下項連風府故邪客其經必令頭項強痛也惡寒者因風寒所傷故惡之

也首揭此條為太陽之提綱凡稱太陽病者皆指此脈證而言也

成無己曰經曰尺寸俱浮者太陽受病太陽主表為諸陽主氣脈浮頭項強痛而惡寒者太

陽表病也

方中行曰太陽者膀胱經也其脈起於目內眥上額交巔從巔入絡腦還出別下項連風府

循肩膊內挾脊抵腰中乃六經之首主皮膚而統營衛所以為受病之始也難經曰浮脈在

肉上行也滑氏曰脈在肉上行主表也表即皮膚營衛麗焉故脈見尺寸俱浮知為病在太

陽之診也項頸後也強痛者皮膚營衛一有感受經絡隨感而應邪正爭擾也惡寒者該風

而言也風寒初襲表而鬱於表故不勝復被風寒外透而畏惡之及其過表而入裏則不復

惡仇讐之義也此揭太陽之總病乃通篇之大綱也

百大 上海中醫藥大學圖書館

張隱菴曰太陽為諸陽主氣有通體分部之不同通體太陽如天主週身皮膚毫毛肌表一似天之環繞於地外分部太陽如日主頭項脊背尾閭血室一似日之旋轉躔度此首明太陽主通體之毫毛而復有循經之分部也太陽之為病脈浮言太陽運行於週身之膚表病通體之表陽故其脈應之而浮也頭項者太陽經脈所循之分部也病在表而涉於分部故強痛也惡寒者惡本寒之氣也蓋太陽之上寒氣主之以寒為本以熱為標故也

部疑矣

張路玉曰脈浮者邪氣併於肌表也頭項強痛者太陽經脈上至於頭也惡寒者雖發熱而惡寒不止非無熱也以始熱汗未泄故脈但浮而緩耳

程郊倩曰傷寒者卒病之總名氣交之病也邪自彼乘氣從我現在我者有表中裡之形層在彼者遂有初中末之候次受屬不常本標易失欲使邪無遁情無如署我經氣經則猶言界也經界既正則彼此輒可分疆經則猶言常也經常既定則尅更輒可窮變六經署而表裏分陰陽劃矣太陽在六經為綱收皮膚而主表凡外邪之來必先犯之捍禦在我縱有盛邪終不能越我疆而侵彼界故凡云太陽病便知為皮膚受邪病在腠理營衛間而未涉乎府藏也病因莫可形似而脈與證則有以驗之脈浮者太陽主表浮為陽為表故也頭項強痛者太陽經脈行頭項邪客則觸動其經脈故也惡寒者太陽為邪所襲鬱而不宣故也治傷寒之法全在認病病在太陽不得模糊以陽明病在陽明不得模糊以太陽凡在六經皆